



Ruth Heilmann
Inatsisartuni ilaasortaq, Siumut
/-Maani

**§ 37 naapertorlugu apeqqummut nr. 2012-243-imut Upernavimmi
innaallagissiorfimmu tunngasumut akissuteqaat**

01-11-2012
Sags nr. 2012-075478
Dok. nr. 1055533

Asasara Ruth Heilmann

Postboks 909
3900 Nuuk

Apeqquinnut, Upernavimmi innaallagissiorfiup imeqarfiullu sanaqqinneqarnissaanut
tunngasumut qujanaq.

Tlf. (+299) 34 50 00

Fax (+299) 34 54 10

E-mail: iaan@nanoq.gl

www.nanoq.gl

Apeqquq 1 aamma 2 kattullugit akissuteqarfigaakka.

1. Qaqugu Upernaviup innaallagissiorfia 2009-mi ikuallattoq sanaqqinneqarniarpa?
2. Ukiut sisamat qaangiupput innaallagissiorfiup ikuallanneraniit, suna pillugu Upernavimmi innuttaasut taamatut sivistigisumik utaqqisinnerpat?

Nukissiorfiit innaallagissiorfiup imeqarfiullu sananeqarnissaanut
suliariumannittussarsiuusseqqammerlutik ilisimatitsipput.

Suliariumannittussarsiuussinerli taamaatinneqarpoq, uku pissutigalugit:

- Suliassamut neqeroorummik ataasiinnarmik takkuttoqarpoq, taamaalillunilu unammillertoqarnissaa amigaatigineqarpoq.
- Sananissamut aningaasalersuissutissaqartoqanngilaq, sillimasiisarfip neqeroort takkuttoq qaffasippallaartut naliliiffigimmagu, taamaattumillu matussusiinissani itigartillugu.

Innaallagissiorfiup imeqarfiullu sanaqqinneqarnissaa sillimasiisarfip apeqqusiineranit kinguaattoortinneqarmat ajuusaarnarpoq. Kisiannili eqqumaffigissallugu pingaaruteqarpoq, taamatut annertutigisumik pisariutigisumillu sanaartornissamut pilersarusiornissaq neqerooruteqartitsinissarluk pisariaqartoq ingerlatissallugu tamatigut sivisusinnaasarmat.

Nukissiorfiit ilisimatitsipput, suliariumannittussarsiuussinerup nutaap qaqugu ingerlanneqarsinnaanera, piumasaqaatillu suut atorneqarsinnaanerat pillugu Namminersorlutik Oqartussani sillimasiisarfimmut akunnermiliuttartumut sillimasiisarfimmut paasiniarneqartoq.

Apeqquq taakku aatsaat paasisaqarfigineqarpara, Nukissiorfiit nutaamik suliariumannittussarsiuussisinnerpat.

3. Naalackersuisut Upernaviup ineriartortinneqarnera unitsissimanerpaat?

Upernavimmi ineriartortitsinermik unitsitsinissaq Naalackersuisut siunertarinngilluinnarpaat.

Illoqarfik ullumikkut innaallagissiorfiit containerit, umiarsuakkut tikisinneqarsimasut atorlugit pilersorneqarnissamut qulakkeeriffigineqarsimavoq. Soorunami innaallagissamik pilersuinermi ingerlanneqartumi atuisut akornusersorneqarnerat ajuusaarnartuuvoq, aaqqiissutaasorli taanna aaqqiissutaagallarnerinnaavoq.

4. Atugarissaarnissaq Naalackersuisut eqqartortuagaat Upernavimmiunut atuutsinneqarnianninnerami?

Pilersuinerup qularnaassusia upalungaarsimanerlu eqqarsaatigalugit Upernavik illoqarfittut aammalu nunaqarfittut allatulli pineqarpoq.

Sanaartugassap teknikkikkut pisariunera sillimmasiinermilu apeqqutit inissinneqaqqaartussat eqqarsaatigalugit innaallagissiorfiup imeqarfiullu sanaqqinneqarnissaata sapinngisamik salliutinneqarnissaata qulakkeerneqarnissaa annertuumik siunnerfigineqarpoq.

Neriuppunga akissutikka naammagisimassagitit..

Inussiarnersumik inuulluaqqusillunga

Jens B. Frederiksen